

# نار وبارود

حنا اليامننا وعدنا ووفينا  
 والياعطينا نعرف الجود ونجود  
 وما نذبح البسمه ليامن حكينا  
 وما نفرض الغلطة على البيض والسود  
 من طبعنا لا من عطينا عطينا  
 جود من الموجود والجود موجود  
 بعنا المذلة للضعيف وشرينا  
 عزة نفوس وجد واخلاص وعهود  
 نضرب خطانا بالعصا لا خطينا  
 حتى ولو كان الخطا غير مقصود  
 وما نزعل اصحاب الجمايل علينا  
 هذا وحننا نجزي الجود بالجود  
 يكبر غضبنا لا تعزوي حدينا  
 نرضيه لو نبذل على ارضاه مجهود  
 واليا انتخن المترفات اعتزينا  
 نفزع ولا نرضى على البننت منقود  
 نزعل ونغضب وان زعلنا نويانا  
 كن الهدب والعين نار وبارود  
 نرضى نموت ومدنا في يدينا  
 ولانعيش بمجد ضايع ومفقود  
 نعم خضعنا روسنا وانحنينا  
 لله ولا غيره مع الناس معبود  
 مثل الغصون اليا انثنت انثينا  
 وقلوبنا خشاع ركاع وسجود  
 نتبع ونأمن وبالرسل واقتدينا  
 بمحمد وعيسى وموسى وداود  
 خفنا من اسباب الضياع ان قرينا  
 باهل الجحيم وقصة اصحاب الاخدود  
 نمشي على كف التراب ورويانا  
 من قلب مزن مرعد يرعد اعود  
 يكفي فخرنا بأصلنا لا انتخينا  
 حنا عرب من واقع جود لجدود  
 ماقد تعلمنا الخطا واعتدينا  
 ولا قف في صفنا شخص مضهود  
 الصبر فينا مبتلي وابتلينا  
 نصبر ولا نرجي من الوقت مردود  
 لو يشكي منا التعب ماشكينا  
 ولا تخلفنا ولا نخلف وعود  
 حنا اليامننا وعدنا ووفينا  
 واليانوينا قد الافعال وقدود  
 غير القلوب الخاشعة مارجينا  
 والدمعه اللي تجرح اوجان وخدود  
 لا الكره قايدينا ولا الحقدينا  
 ما حنا من اللي يجزي الطيب بجود  
 هذي عوايد طبعنا واكتفينا  
 الله خلقنا ازهود ونفني له ازهود  
 اقولها والله وكيل علينا  
 بسم العلم لاصار عالي ومرصود  
 اقولها اقولها وانتهينا  
 حنا الكويت قياده وشعب وجنود

حامد زيد